

---

IKAARSAARIARNERMUT ATAATSIMIITITALIAP INISSITITERLUNI ATAATSIMIINNERA,  
07. Maj 2017 nal.14.00

---

Qaasuitsup Kommunia K1 - Avannarleq  
Kommunalbestyrelsi

Jerimiassen, Palle	S
Bagger, Ane Lone	S
Fleischer, Sakio	S
Kristensen, Jørgen	S
Petersen, Jakob	S
Imanuelson, Jens	S
Andersen, Ane Marie M.	S
Mathiassen, Apollo	S
Petersen, Masauna	S
Frederiksen, Anthon	PN
Danielsen, Ole	PN
Jerimiassen, Aqqalu Clasen	A
Markussen, Karl	A
Heilmann, Aqqaluk	A
Davidsen, Lena Ravn	D
Bendt B. Kristiansen	IA
Regine Bidstrup	IA

<b>Ataatsimiinnermi aqutsisoq:</b>	Anthon Frederiksen, PN
<b>Imaqarniliortoq:</b>	Hans Eriksen
<b>Immikkut ittumik aggersakkat:</b>	Aqutsisooqatigiit
<b>Ima ataatsimiittoqarpoq:</b>	<b>Ilulissani najuulluni.</b>

7. MAJ 2017

QAASUITSUP KOMMUNIA K1 - AVANNARLEQ  
Noah Mølgaard-ip Aqq. 9, Postbox 1023, 3952 Ilulissat

## Ullormut oqaluuserisassat

<b>Ikaarsaariarnermut ataatsimiititaliap 2017-imi suliasai pillugit ilisimatitsineq .....</b>	<b>3</b>
<b>17-001 Kommunalbestyrelsimi siulittaasussamik toqqaaneq.....</b>	<b>6</b>
<b>17-002 Ikaarsaariarnermut ataatsimiititaliap suleriesissaanik akuersineq .....</b>	<b>7</b>
<b>17-003 Ikaarsaariarnermut ataatsimiititaliami siulittaasup tullia siulleg taassumalu tullianik toqqaaneq.....</b>	<b>8</b>
<b>17-004 Aqutsinermut ileqqoreqqusassaq nutaaq .....</b>	<b>9</b>
<b>17-005 Allaffissornikkut aaqqissuussaanermut siunnersuut.....</b>	<b>11</b>
<b>17-006 2017-mi ataatsimiiffissat.....</b>	<b>13</b>
<b>17-008 Aningaasaqarnermut ataatsimiititaliap ilaasortassaanik toqqaaneq.....</b>	<b>15</b>
<b>17-009 Borgmesterip tullersortaata siulliup aningaasatigut ajunngitsorsiassai pillugit aalajangerneq .....</b>	<b>17</b>
<b>17-010 Kommunip taaguutaanik ilisarnaataanillu inassuteqaasiortussanik pilersitsineq .....</b>	<b>18</b>
<b>17-011 Ilisimatitsissutit: siunnersuisooqatigiinni, ataatsimiititaliani, aningaasaateqarfinni, siulersuisuni il.il. ilaasortassanik toqqartuineq .....</b>	<b>19</b>
<b>ILISIMATITSISSUTIT.....</b>	<b>20</b>
<b>Ataatsimiinneq naavoq .....</b>	<b>21</b>
<b>Atsiorfissaq: .....</b>	<b>21</b>

<b>Eqqartugaq</b>	<b>Ullormut oqaluuserisassat akuerineqarneri</b>
-------------------	--

### **Ullormut oqaluuserisassat pillugit allaffissornermik sulialinit oqaaseqaatit:**

Kommunit aqunneqarnerat pillugu Inatsisartut inatsisaat nr. 22, 18. november 2010-meersumi § 4-imi allassimasut naapertorlugit kommunalbestyrelsi qinigaarlaaq qinigaanerup kingorna inissititserluni ataatsimiissaaq qinersinermi ataatsimiititaliami qinersineq pillugu maalaarutaasimasinnaasunik aammalu ilaasortangortut qinigaasinnaanerat pillugu naliliisoqareeraangat. Ullormut oqaluuserisassat suliaralugit naammasinerisa nalaanni qinigaasinnaatitaanermut ataatsimiititaliap ilaasortat qinigaasinnaatitaaneri misissorlugit suli naamamssisimanngilaq. Taamaattoq allaffissornermik suliallit ilisimatinneqarput, qinigaallutik ilaasortangortut qinigaasinnaatitaasut akuerineqareersimasut aamma sinniisut ilaat ataasiakkaat misissuiffigineqarnissaat kisinngorussimasut. Suliat taakkua misissorneqarput. Qinigaasinnaatitaanermut ataatsimiititaliap allaffeqarfia politimestereqarfimmut uppernarsaatiniq piniarpoq. Eqqartuussisumit atsionillit aamma eqqartuussivik angunngikkaluarlugu akiligassallit politimesterimut akiliisinneqareerpata taakkua qinigaasinnaatitaanermut ataatsimiititaliamut nassiunneqareersimaleriarpata inassuteqaasiorfigineqarsinnaalissapput. sulineq aallartereerpoq aamma suliat qaqugu aalajangiiffigineqarsinnaassanersut ilisimatitsissutigineqarsinnaanngilaq.

Ilaasortatut qinikkat tamarmik qinigaasinnaatitaanngitsut akornaniinngimmata aamma 1.juni 2017 nallertinnagu inissititerluni ataatsimiittoqartussaassammat allaffissornermik suliallit – nunap iluani naalakkersuisoqarfik isumasioriarlugu – qinigaasinnaatitaanermut ataatsimiititaliap aalajangiinerisa tamanut saqqummiunneqarnissaat sioqqullugit inissititerluni ataatsimiisitsisoqarnissaq toqqissisimanartinnngilaat.

**Aalajangerneq:**

**Siumut aamma Atassut suleqatigiinnissaminnik isumaqatigiissusiorsimasut nalunaarutigineqarpoq aamma Siumup, Atassutip Naleqqallu akornanni tassisarneq pillugu isumaqatigiittoqareertoq iluatsillugu nalunaarutigineqarpoq.**  
**Inuit Ataqtigiit Demokratillu akornanni isumaqatigiissusiortoqarsimasoq nalunaarutigineqarpoq.**  
**Ullormut oqaluuserisassat akuerineqarput.**

<b>Suliap normua</b>	Ilisimatitsissut
----------------------	------------------

<b>Eqqartugaq</b>	<b>Ikaarsaariarnermut ataatsimiititaliap 2017-imi suliassai pillugit ilisimatitsineq</b>
-------------------	--

Kommunini suliassaqrarfiit aaqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersumi §§ 9-12:

§ 9. Ikaarsaariarnermi ataatsimiititaliat pingaarnertut suliassaat tassaavoq Qaasuitsup Kommuniata kommuninut marlunnut nutaanut avinneqarnissaata piareersarnissaa.

§ 10. Ikaarsaariarnermi Ataatsimiititaliat kommunit nutaat aqutsinermut ileqqoreqqusassaannik suleriaasissaannillu suliaqassapput.

*Imm. 2.* Ikaarsaariarnermi Ataatsimiititaliat aningaasaqarnermut ataatsimiititaliamik tamarmik immikkut pilersitsissapput taassumalu ataani ataatsimiititalianik allanik pilersitsisinnaallutik.

§ 11. Ikaarsaariarnermi ataatsimiititaliat aalajangersakkat 1. januar 2018 -imiit atuutilersumi inatsimmi pisortat suliassaqrarfiinik kommunit nutaat nakkutiginnissinnaanerannik aalajangersakkat pisariaqartitat aalajangiiffigissavaat.

*Imm. 2.* Ikaarsaariarnermi ataatsimiititaliat kommunip nutaap qanoq ateqarnissaanik sumillu ilisarnaateqarnissaanik kissaatitik kingusinnerpaamik ulloq 1. august 2017 aalajangiiffigissavaat.

§ 12. Ingerlatsiviit siunissami sumi inissinneqassanersut ikaarsaariarnermi ataatsimiititaliat aalajangiiffigissavaat.

*Imm. 2.* Kommunimi nutaami allaffeqarfik ikaarsaariarnermi ataatsimiititaliat piareersassavaat, allaffeqarfiullu pilersinneqarnissaanut allaffissornermi aqutsisut pisariaqartumik amerlassuseqartut atorfinitsissallugit.

*Imm. 3.* Sumi inissiinissaq allaffissornermilu aqutsisunik atorfinitsitsinissat kingusinnerpaamik 31. december 2017 aalajangiiffigineqareersimassapput.

Aallarniutigalugu inatsimmi oqaaseqaatit innersuussutigineqassapput, ilanngussatut taakkua nassuunearput. Inatsit pillugu oqaaseqaatit issuarlugit ima allassimasut ataani atuarneqarsinnaapput:

Ikaarsaariarnermut ataatsimiititaliat kommunit nutaat piareersarnerini pingaarutilimmik inissisimasussaapput.

Ikaarsaariarnermut ataatsimiititaliat Qaasuitsup Kommuniata avinneqarluni naammasinissaata tungaanut piffissami ikaarsaariarfimmi atuutissapput. Ikaarsaariarnermut ataatsimiititaliat ilaatigut makkua isummerfigissavaat: kommunit nutaat qanoq pilersinneqarnissaat pissanersaq aalajangersaasussaapput.

Qaammatit arfineq-pingasut ingerlanerini pisussat ikaarsaariarnermut ataatsimiititaliap katiterlugit pilersaarusiortussaassavai, taamaalilluni kommunit nutaat 1.januar 2018-imi atuutilertussaassapput.

Ikaarsaariarnermut ataatsimiititaliat kommunit aqunneqarneri pillugit inatsisartut inatsisaani aalajangersakkat malillugit inissitertussaapput. Ikaarsaariarnermi ataatsimiititaliamut ilaasortani utoqaanersq inissiternerluni ataatsimiinnissamat aggersaassasoq siunnersuutigineqarpoq.

Aqutsinermut inatsimmi aalajangersakkat aamma malillugit inissitersoaqassaaq, taamaattorli inissitertarluni ataatsimiinnissaq kingusinnerpaamik 1.juni 2017-imi pisussaassaaq.

Aqutsinermut inatsimmi aalajangersakkat naapertorlugit borgmesterimik, borgmesterip tullianik aamma borgmesterip tullersortaata tullianik toqqartueriaaseq atorlugu ikaarsaariarnermut ataatsimiititaliami ilaasortat siulittaasussaminnik, siulittaasup tullersortissaanik aamma siulittaasup tullersortaata tullissaanik toqqartuissapput. Avinnerup kingorna ikaarsaariarnermut ataatsimiititaliat kommunini nutaani kommunalbestyrelsitut 1.januar 2018-imiit atuutilissasut siunnersuutaavoq. Ikaarsaariarnermut ataatsimiititaliani siulittaasut immikkut kommunini nutaani borgmesteritut ingerlaannassapput, siulittaasup tullia borgmesterip tullersortigilissavaa aamma siulittaasup tulliaa tullia borgmesterip tullersortaata tulliatut ingerlalissapput.

Ikaarsaariarnermi ataatsimiititaliami ilaasortat aqutsinermut inatsimmi kommunalbestyrelsini ilaasortat akissarsiaassaasa aalajangersagartai naapertorlugit akissarsiaqartinneqassasut siunnersuutigineqarpoq. Taassuma assinganik siulittaasooq, siulittaasup tullia aamma siulittaasup tulliaa tullia borgmesterip, borgmesterip tulliaa kiisalu borgmesteri tulliaa tulliaa akissarsaanik aalajangersakka malillugit akissarsiaqartinneqassasut siunnersuutigineqarput.

Ikaarsaariarnermut ataatsimiititaliat pingaanertut suliassaat tassaavoq Qaasuitsup Kommuniata avinneranik suliaqarneq, kiisalu kommunit marluk nutaat pilersinnissaasa pilersaaruserneri ingerlanneqarnerilu, taamaalilluni kommunit nutaat marluk toqqissisimanartumik kommunitut oqartussaaffiup akisussaaffittaani 1.januar 2018-imi tiguisinnaanissaat qulakkeerniartussaassaavaat.

Taamaattumik ikaarsaariarnermut ataatsimiititaliat siulliit ilaattut suliassaat ukuussasut siunnersuutaavoq: aningaasaqarnermut ataatsimiititaliamik aamam ataatsimiititalianik pisariaqartinneqartumik allanik pilersitsinerit. Kommunit aqunneqarneri pillugit inatsisartut inatsisaanni aalajangersakkat uani aamma atorneqartussaassapput. Ikaarsaariarnermut ataatsimiititaliat kommunini nutaani aqutsinermut ileqqoreqqusanik aamma aalajangersaasussaapput kiisalu ikaarsaariarnermut ataatsimiititaliat sulinermini suleriesissaannik aalajangersaasussaassallutik. Kommunit aqunneqarneri pillugit inatsisartut inatsisaanni, inatsimmut oqaaseqaatit, uani aamma atorneqarsinnaalluarmata inissititerluni ataatsimiinnermi taakkua malillugit sulinissaq siunnersuutigineqarpoq.

Kommunit taaguutissai aamma kommunit ilisarnaatissai ikaarsaariarnermut ataatsimiititaliap kingusinnerpaamik 1.august 2017 aalajangersaaffigisussaavaat. Inatsisartut 2017-imi ukiakkut ataatsimiinnerminni kommunip avinneqarnera pillugu inatsisartut inatsisissaatut siunnersuut suliarisussaammassuk taamatut aalajangersaanerup sukkasuumik pinissaa pingaarpoq.

Ingerlatsiviit sumi siunissami inissisimanissaannik aamma aalajangersaasoqartussaavoq. Ingerlatsiviit najukkami ataatsimi katersorneqartariaqanngillat, kommunilli nutaat illoqarfiini agguataarlutik inissiortorneqarsinnaapput. Ingerlatsiviit ataasiakkaat inissisimaffissaat ikaarsaariarnermut ataatsimiititaliat aalajangissavai, soorlu aamma ikaarsaariarnermut ataatsimiititaliat kommunimi nutaami allaffissorneq piareersartussaavaat aamma allaffissornermik suliallit pisortassaasa amerlassusissaat pisariaqartititik atorfinitittusaaassagaat. Suliaq taanna kommunip avinnissaa 1.januar 2018 sioqqullugu naammassineqarsinnaassasoq ilimagineqarpoq.

Kommunimi nutaami ingerlatsiviit siunissami inissisimaffiinik ikaarsaariarnermut ataatsimiititaliaq aalajangereerip, atorfilittat sumi inissisimassanersut sukkanerpaamik pilersaarusiortoqartariaqarpoq. Pilersaarutit pillugit atorfillit ingerlaavartumik ilisimatinneqassapput aamma atorfillip suliffianik nuussineq siusissukkut sapinngisamik nalunaarutigineqassaaq, taamaalilluni atorfilik suliaq malersorlugu nuunnissaminik kissaateqassanngippat atorfimminit soraarniuteqarnissaminut suliunnaarnissamik nalunaaruteqartarnermi periuseq malillugu periarfissinneqassaaq. Sulisut suliaminnik malinninnissaat aallaaviusussaavoq. Taamaattoq atorfilik suliaq malersorlugu nutaamik atorfiniffissaminut nuulluni atorfinitsinneqarnissaminik kissaateqassanngikkuni atorfimminit soraarniuteqarnissaminut qaqugukkulluunniit nalunaaruteqarsinnaatitaavoq.

Inatsisit taakkununga atuumassuteqartut ullormut oqaluuserisassanut ukununga ilanngullugit nassiunneqarput, inatsisit pillugit oqaaseqaatit ilanngullugit.

<b>Suliap normua /eqqartugaq</b>	<b>17-001 Kommunalbestyrelsimi siulittaasussamik toqqaaneq</b>	<b>Ilanngussap normua</b>	001
		<b>Journal nr.</b>	

Suliap saqqummiunneqarnera:

Kommunini suliassa qarfiit aqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersoq:

**§ 4.** Ikaarsaariarnermi ataatsimiititaliami ilaasortaq utoqqaanersaq inissititerluni ataatsimiinnissamut aggersaassaaq.

*Imm. 2.* Ikaarsaariarnermi ataatsimiititaliaq inissititissaaq Inatsisartut inatsisaanni kommunit aqunneqarnerat pillugu aalajangersakkat naapertorlugit. Inissititerluni ataatsimiinneq kingusinnerpaamik 1. juni 2017 ingerlanneqarsimassaaq.

*Imm. 3.* Ikaarsaariarnermi ataatsimiititaliat isumaqatigiinniarneri ikaarsaariarnermi ataatsimiititaliani siulittaasut qinerneqarnissaasa tungaanut ilaasortamit ataatsimiinnissamut aggersaasumit aqunneqassapput.

**§ 7.** Kommunini nutaani taakkunani ikaarsaariarnermi ataatsimiititaliani siulittaasut borgmesteritut, siulittaasut tullii borgmesterip tulliatut siulittaasullu aappaat borgmesterip tulliaa aappaattut ingerlaqqissapput.

Kommunit aqunneqarnerat pillugu Inatsisartut inatsisaat nr. 22, 18. november 2010-mi § 6 naapertorlugu kommunalbestyrelsimi ilaasortat akornannit kommunalbestyrelsip siulittaasua toqqarneqartussaavoq (uani: Ikaarsaariarnermut ataatsimiititaliap) inissititerluni ataatsimiinnerani. Amerlanerussuteqartut aalajangigaat malillugu toqqaasoqassaaq (§ 6, imm. 2).

Siulittaasumik toqqaanerup kingorna ataatsimiinneq toqqagaasumit taassuminnga aqunneqalissaaq.

**Inassuteqaat****Kommunalbestyrelsi siulittaasussaminik toqqaqqunekarpoq.**Ilanngussat:

Inatsisartut inatsisaat nr. 22, 18. november 2010-meersoq

Kommunini suliassa qarfiit aqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersoq

**Aalajangerneq:**

**Palle Jerimiassen ikaarsaariarnermi ataatsimiititaliami siulittaasussatut toqqarneqarpoq 14-inik akuerineqarluni akerliusoqarani pingasullu taasinngillat.**

<b>Suliap normua /eqqartugaq</b>	<b>17-002 Ikaarsaariarnermut ataatsimiititaliap suleriesissaanik akuersineq</b>	<b>Ilangussap normua</b>	
		<b>Journal nr.</b>	

Suliap saqqummiunneqarnera:

Kommunit aqunneqarnerat pillugu Inatsisartut inatsisaat nr. 22, 18. november 2010-mi § 1 imm. 3 naapertorlugu kommunalbestyrelsip (Ikaarsaariarnermut ataatsimiititaliap) nammineq suleriesissani aalajangersassavaa.

Kommunini suliassaqaarfii aqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersumi § 10 naapertorlugu inissititerluni ataatsimiinnermi suleriesissaq akuerineqarsinnaavoq.

Siunnersuut Qaasuitsup Kommuniani atuuttup assinganik imalik siunnersuut saqqummiunneqarpoq, taamaattorli taanna inatsimmi allannguutinut naqqissuiffigineqarnikuuvoq. Ikaarsaariarnermut ataatsimiititaliap kommunalbestyrelsinngoreeruni taanna 1.januar 2018-p kingorna nutartissagaa innersuussutigineqarpoq, taamaalillunimi kommunip taaguutaa aamma nalimmasarneqarsinnaalissaaq.

**Inassuteqaat:****Suleriesissatut siunnersuut akuerineqassasoq inassutaavoq**Ilangussat:

1. Suleriesissatut siunnersuut.

**Aalajangerneq:**

**Inassutigineqartoq akuerineqarpoq.  
Ataatsimiinnerit kommunimi immikkoortortaqaqfinni tamani aallakaatinneqarsinnaaneri ugartorneqarpoq aamma ikaarsaariarnermut ataatsimiititaliami ilaasortat kommuni K1-imi kommunit allaffiini ataatsimeeqataasassallutik.**



<b>Suliap normua/eqqartugaq</b>	<b>17-003 Ikaarsaariarnermut ataatsimiititaliami siulittaasup tullia siulleq taassumalu tullianik toqqaaneq</b>	<b>Ilanngussap normua</b>	
		<b>Journal nr.</b>	

Suliap saqqummiunneqarnera:

Kommunit aqunneqarnerat pillugu Inatsisartut inatsisaat nr. 22, 18. november 2010-mi § 6, imm 4, naapertorlugu siulittaasup tullia kommunalbestyrelsimit ilaasortaasuneersoq toqqarneqartarpoq (Ikaarsaariarnermut ataatsimiititaliap) ataatsimiinnermi siullermi.

I medfør Inatsisartutlov nr. 22 af 18. november 2010 § 6, stk. 4 om Den kommunale styrelse, vælges.

Kisitseriaaseq d`hondtsmethodemik taaneqartartoq tunngavigalugu qinersisarnermi peruserineqartartoq atorneqassaaq (§35) naapertorlugu.

Inassuteqaat:

**Ikaarsaariarnermut ataatsimiititaliaq qinnuigineqarpoq siulittaasup tullianik siullermik kiisalu tullianik toqqaqqullugu.**

Ilanngussat:

Soqanngilaq

Aalajangerneq:

**Aqqaluk Clasen Jerimiassen siulittaasup tulliatut siullertut toqqarneqarpoq aamma Sakio Fleicher siulittaasup tulliaata tulliatut toqqarneqarluni.**

<b>Suliap nr.</b> /eqqartugaq	<b>17-004 Aqutsinermut ileqqoreqqusassaq nutaaq</b>	<b>Ilanng. nr.</b>	
		<b>Journal nr.</b>	

Eqikkaaneq:

Ikaarsaariarnermut ataatsimiititaliaq aalajangiussaqartussaavoq Kommune K1-mi politikikkut aqqis-suussaaneq pillugu, 1.januar 2018 atuutiletussamik.

Suliap saqqummiunneqarnera:

Kommunini suliassarfiit aqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersoq § 10 naapertorlugu ikaarsaariarnermut ataatsimiititaliaq kommuni-mut nutaamut aqutsinermi ileqqoreqqusaliortussaavoq.

§ 10 immikk.2 naapertorlugu, aningaasaqarnermut ataatsimiititaliamik pilersitsisoqassaaq aamma ataatsimiititalianik pilersitsisoqarsinnaavoq. Ataatsimiititaliat allat pilersinneqarsinnaapput kommunal-bestyrelsini pioreersuni periusaasoq malillugu, inatsisartut inatsisaat kommunemi aqutsinermi peqqussutit tamatumunnga atuuttut naapertorlugit. Siunertaavoq ataatsimiititaliat taakku 1.januar 2018 kingorna ingerlaannarnissaat.

Aqutsinermut ileqqoreqqusaliat allanngortinnissaannut piunasaavoq ataatsimiinnerit tullerit marluk atorneqassasut minnerpaamik ullunik 14-ninik akunnilerlugit. Suliap siullermeerneranni siunnersuut piviusunngortinniarneqassanngilaq aappassanneernejarnissaanulli ingerlateqqinneqassaaq aalajangiif-figisussanngortillugu.

§9-mi allassimavoq: Ikaarsaariarnermi ataatsimiititaliat pingaarnertut suliassaasut tassaavoq Qaasuitsup Kommuniata kommuninut marlunnut nutaanut avinneqarnissaata piareersarnissaa.

Piunasaqaataanngilaq aqutsinermut ileqqoreqqusassasut siunnersuutip inissitsiterluni ataatsimiinnerani siullermeerneqarnissaa. Allattoqarfiulli inassutiginiarpaa suliap engertumik aallartinneqassasooq, taamaa-silluni ikaarsaariarnermut ataatsimiititaliap kissaatai ataatsimiititalianik pilersitsisinnanernut, aningaa-saqarnermut ataatsimiititaliap saniatigut, piarnerpaamik atuutlerniassammata.

Allattoqarfimmiit ataatsimiititaliat pilersitassasut kissaatinut takussutissiaq tiguneqareerpoq. Taanna pingaarnertut "sinaakkutaassaaq" aqutsinermut ileqqoreqqusassap inaarsarnissaanut sularinerani.

Taamaattumik ikaarsaariarnermut ataatsimiititaliaq qinnuvigineqarpoq ataatsimiititaliat pilersinneqartussaareersut takussutissartaanik nassiusseqqullugu kiisalu ataatsimiititaliat suliassaannut pisinnaati-taaffissaanullu paasissutissanik sukumiisunik itisiliisunillu ilanngussilluni, taakkununga ilaalluni qanoq annertutigisumik ataasiakkaat namminerisamik aalajangiisinnaanernut pisinnaatitaaffeqassanersut aamma/ imaluunniit ataatsimiititalianut allanut inassuteqarsinnaanersut, ass. Aningaasaqarnermut ataatsimiititaliamut Ikaarsaariarnermullu ataatsimiititaliamut. Allaffeqarfimmiit immikkut maluginiaqquaa, ataatsimiititaliat ataavartunut takussutissartaqanngimmat namminerisaminnik aalajangersinnaanernut immikkut pisinnaatitaaffeqarnerisut 2017-mi.

Aningaasatigut kingunissai:

Inaarutaasumik aqutsinermut ileqqoreqqusaaq akuerineqarpat aningaasatigut kinguneqartitsissooq ataatsimiititaliani siulittaasunngorumaartussat aningaasarsiaqartinnerisigut.

Inatsit tunngavigisaq

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq Kommunini suliassarfiit aqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersoq

**Inassuteqaat**

Ikaarsaariarnermut ataatsimiititaliaq qinnuvigineqarpoq akuerseqqullugu, aqutsinermut ileq-qoreqqusassatut siunnersuutissaq suliarineqassasoq ataatsimiinnermilu siullertut inissittumi siul-lermerneqassasoq paasissutissat pisariaqartitanik itisiliisunik tigoreernerini.

**Aalajangerneq:**

**Inassutigineqartog akuerineqarpoq**

<b>Suliap.</b> /eqqartugaq	<b>17-005 Allaffissornikkut aaqqissuussaanermut siunnersuut</b>	<b>Ilanng. nr.</b>	
		<b>Journal nr.</b>	

Eqikkaaneq:

Kommunissani nutaani allaffissorneq 1.januar 2018 atuulluarsinnaassappat, ikaarsaariarnermut ataatsimiititaliap isummerfiggissavaa, kommuneqarfissat nutaat allaffissornikkut qanoq aaqqissuussaanissaa, kiisalu atorfnititsissalluni pisariaqartitatut amerlassusiliilluni allaffissornikkut aqutsisussanik allaffissornikkut aaqqissuussisussanik.

Suliap saqqummiunneqarnera:

Tamatumunnga atatillugu Qaasuitsup Kommuniani allattoqarfik allakkiamik ilanngussamiittumi, tassani aaqqissuussaanerut assigiinngitsunut pingasunut aaqqissuussaanikkut ilutsinik takussutissiorsimapput kommunissami nutaami allaffissoriaasissamut.

Siunnersuutit pingasuusut suliaasimapput iliuusissatut anguniakkat arfinillit aallaavigalugit Qaasuitsup Kommuniani allattoqarfiup innersuutigalugit, Ikaarsaariarnermut ataatsimiititaliap allaffissornikkut nutaamik pilersitsiniarnermi kommunini marluulersussani suliareqqitassatut.

Iliuusissatut anguniakkat aamma atorsinnaapput Ikaarsaariarnermut ataatsimiititaliap naleraasut, taakku qulakkeerinneqataassapput kommuneqarfinni nutaani allaffissornikkut immikkoortortat pitsaanerpaamik politikikkut sulinerit ikorfartuiffiginiassamatigit, suliniarfissatut susassaqarfiit aalajangersaavigineri aamma innuttaasut.

Ikaarsaariarnermut ataatsimiititaliap aalajangerpagu iluseq sorleq allaffissornikkut aaqqissuussaanermut atorusunnerlugu kommunimi nutaassami, Qaasuitsup Kommuniani allattoqarfiup nangillugu suliarisassaatur, taamaattoq aamma suliaasat allat suliarineqassapput, soorlu aaqqissuussami Attaveqaqatigeeriaaseq, siunissami aaqqissuussaanerup Ilusilersornera kiisalu akuutilerneqarnissaa. Immikkut taakku pingasut ilusilersukkatut nassuiaasiorsimapput qupp.7-mi.

Inatsit tunngavigisaq:

Kommunini suliaasqarfiit aaqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersoq – pingaartumik § 12-mi immikk.1 aamma 2.

Kingunissai:

Inassuteqaat susassaqarfinnut allanut sunniuteqassanganinneqanngilaq.

Aningaasatigut kingunissai:

Siunnersuutit aningaasatigut sunniuteqarnissaa ataatsimiinnermi tullermi saqqummiunneqassaaq aaqqissuussaanerup ilusissaata saqqummiunneqarneranut atatillugu.

Inassuteqaat:**Qaasuitsup Kommuniani ikaarsaariarnermut ataatsimiititaliamut allattoqarfiup inassutigai:**

1. iliuusissatut anguniakkat 6-t siunissami allaffissornikkut aaqqissuussaanissami akuerineqassasut allakkiami saqqummiunneqartut tak.qupp.2
2. ilutsit siunnersuutit pingasut arlaat ataaseq akuereqqullugu allaffissornikkut aaqqissuussaanissamut allakkiami allassimasutut, kommunimi nutaami allaffissornikkut aaqqissuus-saanissaq ulloq 1.1.2018-miit
3. Qaasuitsup Kommuniani allattoqarfik pisinnaatillugu – ikaarsaariarnermut ataatsimiititaliap tulliani ataatsimiinnissaata tungaanut, allaffissornikkut aaqqissuussaanissami

**nutaami Ikaarsaariarnermut ataatsimiititaliap akuerisaani, aaqqissuussaanermut attaveqarnerup suliarinera nangillugu aamma siunissami aaqqissuussaanerup Iusissaa. Kingullertut taaneqartoq Ikaarsaariarnermut ataatsimiititaliap tullissaani ataatsimiinnerani saqqummiunneqassaaq siunniullugu Ikaarsaariarnermut ataatsimiititaliap siunissami aaqqissuussaanerup Iusissaa akuerissagaat, tassunga ilaatillugit aqutsisoqarnikkut aaqqissuussaneq, suliatigut agguataarineq allattoqarfimmi immikkoortoqarfiit akornanni ataatsimoortoqatigiit ilusilersungaaneri aammalu ataatsimoortumik nukiit.**

.

Ilangussat:

- Aalajangiiffissatut allakkiaq – kommuneqarfinni nutaassani marlunni siunissami aaqqissuussaneq

Aalajangerneq:

**Immikkoortoq ikaarsaariarnermut ataatsimiititalip aningaasaqarnermut ataatsimiititaliaata siullermeerluni ataatsimiinnissaanut kinguartinneqarpoq.**

<b>Suliap nr.</b> <b>/eqqartugaq</b>	<b>17-006 2017-mi ataatsimiiffissat</b>	<b>Ilanng. nr.</b>	
		<b>Journal nr.</b>	

Eqikkaaneq:

Aqutsinermut inatsit naapertorlugu kommunalbestyrelsi (uani: Ikaarsaariarnermut ataatsimiititaliaq) ataatsimiinnermi inissitsiterfiusumi ukioq qinersiviusumi, ukiup ingerlanerani ataatsimiiffissat ullussai inississavaat.

Sagsfremstilling:

Ikaarsaariarnermut ataatsimiititaliap suliassaa pingaarnepaaq aallaqqaasiutitut ilisimatitsissutini ersippoq.

Ataatsimiiffissatut allassimaffimmi immikkut mianerineqassaaq, Inatsisartut inatsisaat Kommunini suliassa qarfiit aaqqissuuteqqinneqarnerata allannngortinneqarneranik Inatsisartut inatsisaat nr. 30, 28. Novem-ber 2016-imeersumi § 15, kingusinnerpaamik 1.juli 2017 2017-mut missingersuutissanik siunnersuusior-toqassaaq, kingusinnerpaamik 1.august 2017 sularineqareerlutik akuerineqarsimasussanik. Kingusinner-paamik ulloq taanna aalajangiisoqassaaq kukkuneriusunuk toqqaasoqarluni aalajangiisoqarlunilu kom-munip taaguutissaanik ilisarnaatissaanillu.

Tamatuma saniatigut siunissami kommunep aaqqissuussaaneranut aalajangiinnermi ingerlatsiviillu sumi inissinneqarneri isiginiarneqassapput, taamaasilluni sulisutigut pisariaqartitat piffissaangallartillugu inis-sereersimaniassammata ulloq 1.januar 2018 nallertinnagu.

Ataatsimiinnerit ataqatigiissaarfiureri pisariaqarput/pissapput Qaasuitsup Kommuniata ataatsimiiffissatut aalajangersagaanut naleqqussarlugit, pingaartumik 2016-mi naatsorsuutitut atatillugu immaqalu Ilassu-tinik tapiissutitut, Kommunini suliassa qarfiit aaqqissuuteqqinneqarnerata allannngortinneqarneranik Ina-tsisartut inatsisaat nr. 30, 28. november 2016-imeersumi § 18 malillugu.

Aammattaaq nalilerneqarpoq ikaarsaariarnermut ataatsimiititaliat marluusut ataatsimiiffissaat ataqatigiissarneqassasut akunnerminni, inassutiginarluni tamatuma sillimaffiginissaa, aammalu ikaarsaariarnermut ataatsimiititaliaq allannguuteqaratarsinnaaneranut eqaatsuussusermik takutitsisarnissaa.

Pissutsit nalinnaatillugit, sapinngisamik juli qaammat ataatsimiittoqartassanngilaq sulinngiffeqarnerit eqqarsaatigalugit aammalu august septemberillu ilaa ilaatigut aavarfittut atortarmata. Missingersuutit sularinerinut il.il. atatillugu pisariaqarsinnaasassaaq piffissani taakkunani ataatsimiittoqartarsinnaanera.

Ataatsimiiffissatut pilersaarusiormi tapiliunneqarpoq ullulersuiffissat missingersuusiornissamut ikaarsaariarnermut ataatsimiititalianut 2017-mi 2018-mullu.

Tapiliunneqarpoq 2017-mut ullorsiut. Inatsisartut ataatsimiiffissaat ilaapput, taamaattoq ataatsimiiffissat EM2017-moortut suli ilisimaneqanngimmata.

**Inassuteqaat**

- **2017-mut Ikaarsaariarnermut ataatsimiititaliap ullut ataatsimiiffissat aalajangersaavigalugillu akuersissutigissavai.**

**Ilanngussaq:**

- Piffissaliussat missingersuutitut inissiinissanut ikaarsaariarnermut ataatsimiititalianut 2017-mut aamma 2018-mut
- 2017-mut ullorsiut, QaKom-mimi ataatsimiiffissatut ullulissat

**Aalajangerneq:**

**Immikkoortoq ikaarsaariarnermut ataatsimiititalip aningaasaqarnermut ataatsimiititaliaata ataqatigiissagassaatut nassiunneqarpoq.**

<b>Suliap nr. /emne</b>	<b>17-008 Aningaasaqarnermut ataatsimiititaliap ilaasortassaanik toqqaaneq</b>	<b>Ilanng. nr.</b>	
		<b>Journal nr.</b>	

Eqikkaaneq:

Kommunini suliassa qarfiit aaqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersoq malillugu Ikaarsaariarnermut ataatsimiititaliap Aningaasaqarnermut ataatsimiititaliaq pilersissavaa ataatsimiititalianillu ataaniittussanik pilersitsisinnaalluni.

Suliap saqqummiunneqarnera:

Ataatsimiititaliamik pilersitsisoqassangaluarpat/pilersitsisoqarpat tamanna pissaaq kommunalbestyrelsenut atuuttunut periusaareersut malillugit, Inatsisartuit inatsisaat naapertorlugit aqutsilerumaartussanut kommunemi aalajangersagaasut malillugit. Siunniussaavoq ataatsimiititaliat taakku ingerlaannarsinnaanissaat 1.januar 2018-p kingorna. Kommunit aqunneqarnerat pillugu Inatsisartut inatsisaat nr. 22, 18. november 2010-meersoq §§ 24 aamma 26 malillugit, Kommunalbestyrelsep toqqarsinnaavaa ataatsimiit-titalianik ataavartunik pilersitsinissaq, takuuk aqutsinermut ileqqoreqqusami taakku katitigaanerat (oqaluuserisassani immikk.13-1020) soorlu aamma kommunalbestyrelsep Aningaasaqarnermut ataatsi-miittitaliamut ilaasortassat toqqartarai.

Ikaarsaariarnermut ataatsimiititaliami siulittaasoq aningaasaqarnermut ataatsimiititaliami inunnguuseralugu siulittaasuvoq.

Ikaarsaariarnermut ataatsimiititaliap ilaasortaanit ilaasortat toqqaaneqassapput avinneqarsinnaanngitsumillu amerlassuseqassallutik, kommunalbestyrelsemili ilaasortat affaat sinnersimassanagit. Ataatsimiititaliani ataavartuni ilaasortanut ataasiakkaanut sinniussamik toqqaasoqassaaq, ataatsimiititaliamut aggersarneqarsinnaasumik ilaasortaviusup pisinnaanngiffiini.

Ataatsimiititaliat allat, "ataatsimiititaliat ataavartut" pillugit, taakkununga ilaasortassanik toqqaanerit naliginnaasumik pisarput Ikaarsaariarnermut ataatsimiititaliap aqutsineranut ileqqoreqqusap nutaap aap-passaaneerneranut atatillugu, tamatuma kingorna ataatsimiititaliat taakku piaarnerpaamik inissitsitissap-put namminneerlutik iluminni siulittaasussaminnik toqqaassallutik.

Inatsit tunngavigisag:

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq Kommunini suliassa qarfiit aaqqissuuteqqinneqarnerata allanngortinneqarneranik Inatsisartut inatsisaat nr. 30, 28. november 2016-imeersoq

Kingunissai:

Inassuteqaat atuutilersinneqarpat nalilerneqarpoq tamanna avatangiisinut, sulisoqarnikkut allatigulluunniit kinguneqassanngitsaq.

Aningaasatigut kingunissai:

Soqanngilaq

Suliap suliarineqarnera:

Suliaq ataatsimiititaliani/siunnersuiffinni allani suliarineqassanngilaq, Ikaarsaariarnermut ataatsimiititaliaq aalajangiisinnaasutsimut pisinnaatitaaffeqarpoq.

Inassuteqaat:



**Ikaarsaariarnermut ataatsimiititaliaq qinnuvigineqarpoq Aningaasaqarnermut ataatsimiititaliamut ilaasortassanik nutaanik toqqaqqullugu D`Hondts-ip periusaa malillugu.**

Ilanngussat:

**Aalajangerneq:**

**Palle Jerimiassen siulittaasutut (S)**

**Aqqaluk Clasen Jerimiassen (A) siulittaasup tulliatut Aqqaluk Heilmann (A) sinniisoralugu**

**Sakio Fleischer (S) Apollo Mathiassen (S) sinniisoralugu**

**Ane Lone Bagger (S) Jørgen Kristensen (S) sinniisoralugu**

**Ane Marie Andersen (S) Jakob Petersen (S) sinniisoralugu**

**Anthon Frederiksen (PN) Ole Danielsen (PN) sinniisoralugu**

**Bendt B. Kristiansen (IA) Regine Bidstrup (IA) sinniisoralugu**

<b>Suliap normua/eqqartugaq</b>	<b>17-009 Borgmesterip tullersortaata siulliup aningaasatigut ajunngitsorsiassai pillugit aalajangerneq</b>	<b>Ilanngussap normua</b>	
		<b>Journal nr.</b>	

Uteqqiineq:

Kommunalbestyrelsi qinnuigineqarpoq aalajageeqqullugu, borgmesterip tullersortaata siulliup aningaasatigut ajunngitsorsiassai borgmesterip akissarsiaasa 15%-iannik aallaaveqassanersut imaluunniit borgmesteritut atuunnermini borgmesterip aningaasarsia tamakkiisut pisassanera. Borgmesterip tullersortaa siulleq aalajangernermi kisimi pineqarpoq.

Suliap saqqummiunneqarnera:

Borgmesterip tullersortaata siulliup aningaasatigut qanoq ajunngitsorsiassaqartitaanissaa siusinnerusukkut aalajangersimasumik piunasaqaataaneq ajorpoq, nalunaarutilli 2011-imi allannortinneqarneratigut maannakkut piunasaqataavoq borgmesteri, tassumalu tullersortai il.il. qanoq aningaasalersorneqassanersut.

Inatsit tunngavigineqartoq:

Borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik il.il. akissarsiaqartitsineq pillugu Namminersorlutik Oqartussat nalunaarutaat nr. 1, 21. januar 2011-meersoq § 3. Imm. 1.

Kingunissai:

Ivertitsinissamut inassuteqaateqarnermi avatangiisinut, sulisunut allatigulluunniit kingunerluuteqarsinnaanera ilimagineqanngilaq.

Aningaasatigut kingunissai:

Borgmesterip feriarnerani sulinngiffeqarneraniluunniit borgmesterip aningaasarsiai tamakkerlugit tunniunneqarsinnaasunngorlugit aaqikkaluaraanniluunniit borgmesterip tullersortaanut siullermut akissaateqartitsineq annertunerusumik akissarsiaqartitsinerulernaviannngilaq. Qinigaaffiup iluani akissarsiaqartitsinermi periusut marluk atoraluaraanniluunniit akissarsiaritinneqartussat assigiiginnarnissaat naatsorsuutigisariaqassaaq.

Suliarinnittut:

Suliaq ataatsimiititaliani allani/siunnersuisoqatigiinneq eqqartugassaanngilaq. Kommunalbestyrelsip aalajangiisinnaanermut oqartussaaffianiippoq.

Inassuteqaat:

**Ikaarsaariarnermut ataatsimiititaliaq qinnuigineqarpoq, borgmesterip tulliata siulliup aningaasatigut ajunngitsorsiassaqartinneqarnissaa qaammammoortoq borgmesterip akissarsiaasa 15%-iannik annertussuseqassasoq aalajangiivigeqqullugu.**

Ilanngussat:

Soqanngilaq

Aalajangerneq:

**Inassutigineqartoq akuerineqarpoq**

<b>Suliap nr. /eqqartugaq</b>	<b>17-010 Kommuniip taaguutaanik ilisarnaataanillu inassuteqaasiortussanik pilersitsineq</b>	<b>Ilanng nr.</b>	
		<b>Journal nr.</b>	

Suliap saqqummiunneqarnera:

Kommunini suliassaqrarfiit aqqissuuteqqinneqarnerata allannortinneqarneranik Inatsisartut inatsisaat nr. 30, 28. november 2016-imeersoq § 11, imm. 2 naapertorlugu ikaarsaariarnermut ataatsimiititaliap kingusinnerpaamik 1. August 2017-imi aalajangissavaa, kommuninngortussap nutaap atissaa ilisarnaatisaalu qanoq ittuussanersut.

Kommuninngortussani nutaani marluusuni kommunip atissaa ilisanaartissaalu qanoq ittuussanersut unammissutigineqarnissaat allaffeqarfimmiit suliakkiutigineqareernikuupput, siunnersuutit kingusinnerpaamik 1. Maj-imi tunniunneqartussanngorlugit. Qanoq ateqassanersut qanorlu ilisarnaateqassanersut pillugit siunnersuutit maannakkut tiguneqarsimalereerput.

Ikaarsaariarnermut ataatsimiititaliaq qinnuigineqarpoq atsiinissamut ilisarnaasiinissamullu komitiuusussami ilaasortassanik inassuteqaasiortussanillu toqqaqqullugu, taakkualu siunnersuutit tiguneqarsimasut qimerluuataassavaat taamaalioreerunillu atsiinissamut siunnersuuteqarsimasut pingasut kiisalu ilisarnaartissamut siunnersuuteqarsimasut pingasut inaarutaasumik aalajangiinissamut toqqassavaat, siunnersuutaasullu ikaarsaariarnermut ataatsimiititaliamut saqqummiutissavaat inaarutaasumik piaartumik aalajangiisoqarnissaa pisinnaqqullugu.

Komitiuusussami ilaasortassat 3-5-iunissaat siunnersuutigineqarpoq, taakkualu ikaarsaariarnermut ataatsimiititaliami ilaasortaasariaqanngillat, taamaattorli sumiiffigisami kulturimut inuiaqatigiinnullu tunngassutunut ilisimasaqarluarnissaat pisariaqartussaavoq.

Ikaarsaariarnermut ataatsimiititaliap komitiit marluk pilersissallugit aalajangiisinnaavoq; atermik ataatsimik ilisarnaammillu ataatsimik toqqaasinnaasumik.

Komitiinngortussat suliaqarnertik akissarsiaqaatigissanngilaat, atissalu ilisanaartissallu ikaarsaariarnermut ataatsimiititaliamit akuersissutigineqareerpata komitii atorunnaarsinneqassaaq.

**Inassuteqaat:**

**Ikaarsaariarnermut ataatsimiititaliaq aalajangeeqqullugu qinnuigineqarpoq, komitiuusussami inassuteqaasiortussat qassiunissaat pillugu, kiisalu komitiuusussami kikkut inuttarineqassanersut.**

Ilanngussat:

- Atsiinissamut ilisarnaasiinissamullu unammissitsinissami allagarsiivinnut allagarsiussat.

**Aalajangerneq:**

**Partiit tamarmik komitemi inassuteqaasiortussami sinniisoqassasut aalajangiunneqarpoq aamma partiit komité-mi inassuteqaasiortussami ilaasortaaitassamittut toqqagartik allaffissornermik sulialinnut nassiutissagaat peqquneqarput**

<b>Suliap normua /eqqartugaq</b>	<b>17-011 Ilisimatitsissutit: siunnersuisooqatigiinni, ataatsimiititaliani, aningaasaateqarfinni, siulersuisuni il.il. ilaasortassanik toqqartuineq</b>	<b>Ilanngussap normua</b>	
		<b>Journal nr.</b>	01.01.00

Uteqqiineq:

Aktieselskabinut, suliffeqarfiit imminnut pigisutut ingerlasunut, kommunip suliffiutaanut, aningaasaateqarfinnut, peqatigiiffinnut, ataatsimiititalianut kiisalu siunnersuisooqatigiinnut ilaasortat kommunalbestyrelsiq toqqartussavai, taamaaliortoqassaarluk kommunalbestyrelsimit imaluunniit kommunimit qulaani pineqartunut aallartitaqartussaaneq tunngavigalugu, aqutsinermi inatsimmi 31-imi aalajangersakkat naapertorlugit.

Suliap saqqummiunneqarnera:

Kommunini suliassaqarfiit aqqissuuteqqinneqarnerata allannortinneqarneranik Inatsisartut inatsisaat nr. 30, 28. november 2016-imeersoq § 8 kiisalu § 2 imm. 3. Innersuussutigalugu, taamatuttaarlu Aqutsinermi inatsit § 31 imm. 2,2 naapertorlugi, Ikaarsaariarnermut ataatsimiititaliap ilaasortassat qulaani pineqartut toqqartussavai 1. Januar 2018-imiit atuutilertussanngorlugit, ilaasortassatullu toqqakkat kommunalbestyrelsiq qinikkatut atuuffia tunngavigalugu atuutissapput.

Aqutsinermut inatsimmi § 31 allaqqavoq, ataatsimiititaliani, siunnersuisooqatigiini il.il. qulaani pineqartuni toqqakkat ataatsimiititalianik ataavartunik toqqartuisarnermi periuseq atorveqartassaaq (Aningaasaqarnermut ataatsimiititaliaq aalaakkaasumik ataatsimiititaliaavoq, ataavartumik atuuttussat inatsitaanani). Ataatsimiititaliat allat ataavartumik ingerlasussat aatsaat atuutilersinnaapput aqutsinermut ileqqoreqqusap aappassaaneerlugu oqaluuserineqareerpat, oqaluuserineqareerpalu ataatsimiititaliani ilaasortassanik toqqartuineq aatsaat pisinnaavoq.

Atuisartut ataatsimiititaliaat:

Immikkut malugeqqusatut oqaatigineqassaaq, Atuisartunut pisisartullu siunnersuisartoqatigiit, tuniniaasarneq, nalunaaqutsersuisarneq, akit aamma atuisartunut pisisartunullu maalaaruteqartarfittut ataatsimiititaliat pillugit Inatsisartut inatsisaat nr. 10, 13. november 1986-imeersoq atortunnaarnikuuvoq. Taamaatumik qulaani pineqartuni ilaasortassanik toqqaasoqarsinnaanngilaq. Illoqarfiit ilaanni ataatsimiititaliat ilaat suliassaminnik suli ingerlataqarput isumagisartakkatillu ingerlatiinnarlugit, aammattaaq innuttaasunit/atuisartunit apersuutigineqartarpoq sumiiffigisami atuisartut pisisartullu saaffigisinnaasaannik peqarnerseq. Tamatuma eqqartorneqarsinnaanera ataatsimiinnermi allami kingusinnerusukkut pisussami pisinnaavoq, taamaaliortoqarsinnaaneralu inassutigineqarpoq, ataatsimiititaliamimi pineqartumi suliassat atuuffissallu sukumiisumik eqqarsaasersuutigeerlugit pilersitsinissamut tunngassuteqartut eqqartorneqarsinnaammata.

Illoqarfinni ataasiakkaani Innarluutilinnut kiisalu Utoqqarnut siunnersuisooqatigiinnik pilersitsisoqarnikuuvoq, inunnik isumaginninnermut ataatsimiititaliamit ilaasortassat toqqartorneqarnikuullutik.

Ataatsimiititaliani, siunnersuisooqatigiinni, nævnini, siulersuisuni il.il. ilaasortassat toqqartukkat ikaarsaariarnermut ataatsimiititaliamut kingusinnerusukkut nassiussuunneqarumaarput.

Inassuteqaat:

**Ikaarsaariarnermut ataatsimiititaliaq qinnuigineqarpoq ilisimatitsissutinut tunngassuteqartut tusaatissatut tiguneqassat.**

Aalajangerneq:

**Ilisimatitsissut tusaatissatut tiguneqarpoq**

## **ILISIMATITSISSUTIT**

Ilaasortanit siunnersuutit, ataatsimiititaliani imaluunniit allaffissornikkut suliarineqartussatut ingerlateqqitat.

Ilaasortanit apeqquutit, allaffissornikkut akineqartut.

**Ataatsimiinneq naavoq****Atsiorfissaq:**

Jerimiassen, Palle

---

Bagger, Ane Lone

---

Fleischer, Sakio

---

Kristensen, Jørgen

---

Petersen, Jakob

---

Imanuelen, Jens

---

Andersen, Ane Marie M.

---

Mathiassen, Apollo

---

Petersen, Masauna

---

Frederiksen, Anthon

---

Danielsen, Ole

---

Jerimiassen, Aqqalu Clasen

---

Markussen, Karl

---

Heilmann, Aqqaluk

---

Davidsen, Lena Ravn

---

Bendt B. Kristiansen

---

Regine Bidstrup

---